



PRAVILNIK JAVNOG POZIVA

"Podrži sportiste, pokreni promjene"

NAZIV I SJEDIŠTE ORGANIZATORA

Organizator Poziva je Sarajevski kiseljak d.o.o., Kiseljak (u daljem nastavku. Orgnizator), Kraljice mira 7, 71250 Kiseljak, Id broj: 4236097460009, PDV broj: 236097460009.

SVRHA POZIVA

Svrha Poziva je podsticanje i promocija pozitivnih vrijednosti kao što su bavljenja sportom i usvajanje zdravijih životnih navika građana BiH kao i ukazivanje važnosti podrške domaćem sportu i razvoju sportista u BiH.

VREMENSKI OKVIR I KRITERIJ ODABIRA

- Prijava: 05.11.2025. – 10.12.2025. godine
- Ocjena i odabir projekata: do 15.12.2025. godine.
- Radove će ocjenjivati žiri koji čine predstavnik Sarajevskog kiseljaka, predstavnik Konzuma i predsjednica žirija, BiH plivačica i brand ambasadorica Sara vode Lana Pudar.
- Objava dobitnika putem zvanične web stranice saravoda.ba: 22.12.2025. godine

PRAVO SUDJELOVANJA

Pravo sudjelovanja imaju sva fizička i pravna lica sa prebivalištem/sjedištem na teritoriji cijele Bosne i Hercegovine, a koji prihvataju pravila javnog poziva.

Prijavu mogu izvršiti sve sportske udruge (profesionalne i amaterske), klubovi, ustanove i institucije, kao i pojedinci.

Učešće u Pozivu nije dozvoljeno zaposlenicima Organizatora, kao ni članovima njihove uže porodice (roditelji, braća i sestre, supružnici, djeca, posvojena djeca, unuci i članovi zajedničkog domaćinstva).

USLOVI SUDJELOVANJA

U izboru za dodjelu ugovora o donaciji mogu sudjelovati sve fizičke i pravne osobe koje osobno ili putem ovlaštenog predstavnika podnesu prijavu putem web stranice saravoda.ba popunjavanjem za to naznačenih polja.

Prijava mora sadržavati kratki opis i cilj projekta/prijave, te navesti kako bi izgledala sama implementacija projekta. Sredstva će biti usmjerena sportskim klubovima, udrugama ili pojedincima koji kroz svoje projekte pridonose razvoju sporta, jačanju suradnje i promicanju zdravih životnih navika i aktivnog života te imaju potencijal za dalji razvoj, a kao što su:

- Organiziranje sportskih programa i škola sporta za djecu i mlade
- Obnova sportskih terena i kompleksa
- Odlazak na profesionalna regionalna i svjetska takmičenja
- Poboljšanja uslova i nabavka opreme
- Projekti koji za cilj imaju poticanje na bavljenje sportom i usvajanje zdravijih životnih navika
- Ostali projekti iz područja sporta

Nepotpune prijave kao i one sa neprimjerenim sadržajem neće biti uzete u dalje razmatranje.

Organizator ne preuzima odgovornost za bilo kakve sporove vezane za vlasništvo ili prava nad projektima koje učesnici prijave na Poziv.

U slučaju zloupotrebe tuđih ideja, Organizator ne snosi nikakvu odgovornost.

Sva prava na prijavljenje projekte pripadaju učesnicima. Organizator i njegovi partneri stiču pravo korištenja pristiglih prijava za promociju branda SARA bez plaćanja naknade. U ovom slučaju Organizator se obavezuje da će uvijek navoditi pojedince, klubove, udruge i sl. a koji stoje iza svake prijave i projekta.

OBRADA OSOBNIH PODATAKA

Sudjelovanjem, sudionici pristaju na obradu osobnih podataka za potrebe javnog poziva sukladno odredbama Zakona o zaštiti ličnih podataka BiH ("Službeni glasnik Bosne i Hercegovine", br. 12/2025). Sudionici su suglasni s davanjem navedenih podataka u slučaju da budu odabrani kao dobitnici ugovora, kao i s činjenicom da se odbijanje davanja podataka smatra odricanjem od prava na sudjelovanje u javnom pozivu i dodjele ugovora o donaciji iz ovog poziva.

Svi sudionici u ovom u ovom pozivu suglasni su da, u slučaju dobitka ugovora o donaciji, Organizator ima pravo objaviti i koristiti njihovo ime, prezime, adresu i sliku bez naknade, u tiskanom, zvučnom, slikovnom i video materijalu.

Obradivač podataka: Sarajevski kiseljak d.o.o. Kiseljak

Sudionik može u svakom trenutku povući suglasnost na obradu podataka, čime prestaje i njegovo sudjelovanje u javnom pozivu.

Prava sudionika uključuju:

1. Pravo na pristup osobnim podacima
2. Pravo na ispravak osobnih podataka
3. Pravo na brisanje
4. Pravo na ograničenje obrade
5. Pravo na prenosivost podataka
6. Pravo na prigovor na obradu svojih osobnih podataka

Zahtjevi se šalju na szzp@sarajevski-kiseljak.com

UGOVOR O DONACIJI

Ukupan predviđen budžet za donaciju iznosi 10.000,00 KM i biti će raspoređen na dva jednaka dijela od po 5.000,00 KM po odabranom dobitniku.

ZAVRŠNE ODREDBE

Poziv za prijave sportskih projekata se može prekinuti u slučaju da nastupe opravdani razlozi za koje Organizator nije odgovoran, odnosno koje nije mogao predvidjeti, spriječiti ili izbjeći. Učesnici će o prekidu Poziva biti obaviješteni putem službene internet stranice Organizatora Sara voda.

U slučaju spora između učesnika ovog Poziva i Organizatora nadležan je Općinski sud u Sarajevu. Učesnici koji sudjeluju u Pozivu prihvataju uslove i obaveze iz ovog Pravilnika. Pravilnik stupa na snagu danom donošenja, odnosno objavom na službenoj internet stranici.

Napomena:

Organizator zadržava pravo izmjene pravilnika bez prethodne najave. Sve izmjene će biti objavljene na zvaničnoj stranici.

Za sva dodatna pitanja, eventualne nejasnoće ili informacije možete se obratiti na email: marketing@sarajevski-kiseljak.com.

SARA

Kroz projekat „Podrži sportiste, pokreni promjene“, Sara voda podržava mlade sportiste, klubove i udruge, a kupovinom Sara vode u Konzumu i Mercatoru direktno doprinosiš razvoju sporta i zdravih navika u BiH.

